

見素集
五



見素集卷三

後學黃佐 校

族子富 編

後學柯維騏重校

孫男及祖重校

奏議

西征稿

預處地方容令致仕疏

欽差巡撫四川等處地方都察院右副都御史 臣林俊謹
奏為乞

恩遷任風力預處地方容令照舊致仕事正德五年二月初一日節該欽奉

勅近來四川地方盜賊縱橫今特命巡撫魚理松潘安
綿建昌等處邊備撫安兵民如遇寇盜量調官兵民快
相機勦捕陝西漢中湖廣荆襄等處地方流賊出
沒遇有警急亦宜發兵應援星馳前去以紓朕西顧之

憂欽此欽遵本月初四日又卽該欽奉

勅四川流賊劉烈等四出搶掠侵入陝西漢中西鄉縣等處地方殺人劫財僭稱王號勢漸猖獗誠恐愈難撲滅今特命爾親詣夔州一帶遠委謀勇官員統領官軍民快相機截殺或搗其據穴或離其黨與或出其制勝點蹤追襲鄰境交界之處或有緊急互相策應一應錢糧軍馬等項便宜區處務期克獲以收全功欽此欽遵到命怖惶感深有泣仰

天自誓義不與此賊俱生謹遵吏部題

准伍日嚴程於本月初五日與疾上道兼程前去外切念

臣先在雲南感患風濕在湖廣轉加沉重自此因疾

累疏乞休正德元年十二月奏奉

聖旨林俊屢引疾乞休情詞懇切准致仕欽此欽遵臣欽

欽餘年皆

陛下之賜也近日父憂致毀風氣日深衆疾交作無十日

不病無十日不藥耳重目昏脚痿齒脫精神羸耗臨

事健忘許

國朴忠抱素心於葵藿嬰身宿疾逼暮景於桑榆竊恐
計之萬全術疎三畧辜負任使致誤地方未免煩
聖朝西顧之慮伏望

皇上

天地之量

日月之明為地方至計

特勅吏部另推精力才智官員

簡命前來代臣巡撫遵照分定地方相機策應撫捕盜賊
容臣照舊回籍致仕以終殘喘不勝感懼求憐之至
謹具奏

聞奉

聖旨吏部便看了來說欽此該本題稱本官素負重名年
力正堪委用且聞

命就道日無數大臣器度濟急才識即此可徵所據陳
乞致仕難以往理等因奉

聖旨是

通江捷音疏

題為捷音事伏以苗民弗靈虞帝陳兩階之舞獫狁孔
熾周宣興六月之師自古聖君賢辟德柔威斂同功
而異用也

皇上出震嚮離握乾撫泰

重華丕冒於六合群醜偶縱於三巴流賊藍廷瑞烏本
怒等烏合數萬盜竊名器紅巾扇煽赤地為墟

皇上宅以主仁包之大度而彼頑弗率愈沸愈騰

皇上軫念民恫兵不可已

命總兵官毛倫視荆南都御史黃寶視閩南太監羅籥視
川之東北

廟筭周悉比臣起廢視師則羅籥與御史陳鍾左叅政曹

祥僉事李恕已奏川東之捷羅籥又與御史俞縉布

按一司左布政使高崇熙按察使丁養浩等經紀兵

餉御史胡珙方德懋陳祥叶贊成事曹祥李恕守東

達以斷走寧之路都指揮僉事徐繼僉事郝綰知府
邵賁守廣利以斷投番之路左叅議黃瓚僉事錢朝
鳳署都指揮僉事陸震駐兵通江大小開隘把扼無
遺分畫已定而尚書洪鍾近有總制之

命藍璋近代黃寶毛綸近有水寇之捷軍聲益振臣冀懦

生深勤撫議而賊跡豺歛賊心狐疑毒熱董丞疫
痢大作病死逾萬食盡勢窮脅從日以解散賊老人
四十八營舊黨聚哭分為二支藍廷瑞與最惡廖惠

寺一支擬擬據保寧鄔本恕巴州李老人寺更擬據

漢中攻鄖陽由荆襄而下正德五年六月通江孤城

山水衝塌臣亟促脩砌兵火之地雇募無人預虞有

變連發四支之兵本月二十日一支先到本月二十

一日廖惠寺果來劫縣倉卒輕敵致入破城錢朝鳳

陸震指揮鄔敦知縣魏應時寺隨即逃走賊殺人放

火當有公差官兵回縣賊疑救兵相率回營縣治學

舍倉庫分司未動賊被兵夫在陣殺死六名高橋紅

崖寺處分路射死七十三名生擒二名逐趕淹死五
十四名奪獲騾馬一十頭匹賊殺兵快一十五名市
民四十六名口奉日接管分守左叅議公勉仁帶同
二支之兵將至通江聞變退回又遇三支四支之兵
又行退回屯駐右堽臣復發儼回石砭寺兵節督公
勉仁前進會同錢朝鳳擣新兵收散卒勵以忠義示
以必死儼回石砭激發先赴本月二十四日公勉仁
方離右堽本月二十五日諜報賊至前朝鳳驚跌水

溝陸震驚失心俱尋走計鄉夫抗聲大義錢朝鳳愧
止本月二十六日辰時賊併力謀據通江坐食倉糧
不意我兵已振錢鳳炯燬一陣儼回箭無虛發賊總
甲王三等九名應弦而死兵夫乘勝敵斬一十五
名跳崖跌死一名餘賊敗竄本日午時公勉仁之兵
復從廟埕子架梁連鬪數陣射殺八名擒賊老人廖
光子賊總甲高保兒等五名本月二十七日錢朝鳳
又遣儼回石砭鄉夫助陣龍灘河偶漲賊賣踪逆灘

機正可乘，勉仁擁兵不追，儼回鄉夫奮勇追趕，殺死賊總甲王法林、王月林、王月聰、王四、王五等，并生擒跳崖、跌死、淹死自本月二十一起至本月止，共計擒斬八百四名，口跌死五百九十四名，口淹死五百五十七名，口沉水漂流不計其數，奪獲騾馬七十五頭，匹續調儼回標手，又到又發知府張敏、何珊統領同指揮曹昱、王英、知縣李相率同鄉夫前追，本月二十九日張敏追至門鎮子，直扼其前，兵僅千餘，賊

幾二萬連戰二陣今年七月初一日又戰二陣俱捷
賊探兵少商量要包我兵赤身散坐石砬三千餘兵
背馱後至誤入其營被賊圍殺石砬殺賊一十一名
賊殺石砬八名傷九名石砬走出復入張敏營內賊
方來鬪何珊等兵會鄉夫林集各賊畏懼藍廷瑞一
萬餘人賈踪先奔紅口廖惠等七千餘人殿後拒鬪
張敏兵分為三橫衝賊陣何珊等兵為後應各賊被
靡柔勝追逐殺_死人馬重疊落崖三條溪溝俱滿大溪

十里流水俱紅錢朝鳳兵亦尋會殺死賊老人廖
麻子麻六兒饒老人李老人冷老人并藍廷瑞廖惠
妻及搜山擒賊自縊自六月二十九日起至本月止
共計擒斬八百七十一名口走回被擄男婦六百餘
名口殺落溪溝張敏等追賊不及查數老人馮進英
等報約有三千餘人本月初二日寺鄉夫陳大俊典史
陳浩等生擒廖惠并小老人王仲甫小甲張彪徐
珠等及斬首共計三百五十一名口陸續奪獲騾馬

一千餘頭匹及腦包賊衣等件審據廖惠口供手下
約有七千在陣擒斬殺跌身死走脫不及七八十人
與進英所報相近除廖惠王仲甫監問解京餘審真
賊軍前斬首與賊級梟掛被虜脇從情重量發充軍
情輕給親賊妻給配驛馬衣服財物給賞有功兵夫
器械給軍銅印旂號入官張敏何珊等仍領官兵追
過陝西西鄉縣務在掃平另報功次行勘的寔及錢
朝鳳公勉仁陸震等另奏外臣竊觀賊勢本盛彌月

之間病死逾萬散亦數千一偶也賊營故遠竟之授
首縣門願省供饋二偶也雲陰下垂我營不暴河水
忽漲彼渡多淹三偶也賊首廖惠廖麻子麻六兒輩
惡不聽招撫俱先擒戮四偶也原調晉陽各處精兵
未集遽收全勝五偶也茲蓋仰賴

祖宗之靈

朝廷之福

皇上神威聖武至誠格

天之致然賊本良民所司不善拊馭致失其始臣又不善
招徠致失其終昔宋臣曹彬下江南不殺一人臣化
賊弗效雖則因人就緒有餘愧焉第鋒刃之下善惡
豈能盡分而首虜弗尚全活亦為稍衆斯臣所籍手
報答者也無任隕越愧懼之至緣係捷音事理謹具
題

知

奏駁揚友謀復官職衙門疏節畧

題為乞

恩俯順夷情請給印信保復衙門承襲官職撫理地方等
事據分巡川東道僉事李恕呈據委官重慶衛指揮
聶霆重慶府檢校郭勝呈會同貴州平越衛指揮高
貴審勘揚友男揚弘承襲緣由到臣緣在先臣處熙
行近節准兵部咨該播州宣慰使司所屬黃平安撫
司被殺土官揚才義男揚政賢奏稱揚友買借湖廣
臻洞長官劉暹苗兵八百餘衆薦進重安城詐傳

朝廷釋放將土官張銳馮經等追趕出城勘官四川左
叅議黃瓚僉事陳暉圍逼奏印等情又為陳情分豁
事為陳情懇乞

天恩優憐殘喘以安邊夷事該保寧羈管草職土官揚友
奏要還職承襲等因又為苗人聚眾挾讐捉殺土官
寺事該巡按貴州監察御史吳祺奏揚友與黃平安
撫司土官揚才挾讐節要捉殺正德四年閏九月十
二日忽有天苗萬餘到城將揚才私宅燒燬家人

名并揚才殺死割頭去訖及黃平天苗天志等告廣
平所曹指揮聚集殘賊燒死各寨夷民三十六名虜
去男婦四十八名牛馬牲畜三百七十頭匹并箱籠
銀兩衣服等情各奏行兵部節查為異省貪官主令
故縱糾拽苗人趕殺土民燒燬房屋惑動苗夷劫虜
家財奪占衙門擾亂地方急救生靈等事該播州重
安長官司土官張銳奏又為建言地方事該監生吳
卿為保固地方事該貴州麻哈州知州嚴傑等各奏

要將安寧宣撫司再設章任揚友宥罪降印令其撫
安夷民等因該部行往巡撫四川劉都御史咨稱勘
得成化十一年已故宣慰揚輝將庶長揚友奏保設
立安寧宣撫司分管寨分揚輝故後揚友與揚愛互
相許奏差刑部左侍郎何喬新錦衣衛指揮劉綱親
臨會勘將揚友并宣撫司章罷經今二十餘年地方
頗寧若要設立誠恐有蹈前失及該部節叅揚友係
先年安置保寧間住人數今乃擅歸舊治意欲復營

苗眾及楊政賢所奏楊友謀同殺害楊才事理非輕
合無仍行湖廣川貴三省鎮巡等官從公會勘查處
等因節該題奉

欽依是着鎮巡等官上緊會勘明白奏來定奪着各該鎮
巡等官上緊從公會勘奏告事情議處停當奏來定奪
毋致再詞欽此欽遵備咨到臣叅看流土承襲祖職法
有定規舍餘奏添衙門名為台亂楊友連年兄弟雙
殺會勘奏革積禍始消且兄弟尚爾為讐夷民因何

感德繼使得衆徒長亂階乃敢擅離遷所巧駕誣詞
財買吳鄉嚴傑之奏保奸弊昭然節經巡撫兵部之
查叅是非明甚况楊友見今殺逐宣慰避逃何名息
怨挾留守巡奏印重章肆兇頑固首惡之員盜亦群邪
之唆扇各宜追究大正典型但係夷苗及原奏本院
無行今奏俱應議處已行布按二司轉行分巡會勘
去後續據按察使司呈同都布按三司掌印官都指揮
僉事徐繼左布政使潘楷按察使丁養浩議得播州

宣慰使司凱離大苗為害始於革職楊友之奸謀成
於異省劉暹之叶助糾緘苗夷動以千計既逐重安
等司之長官遂據其城又殺黃平司之同知并繫其
父人民為其攻劫田土被其占耕計其所為惡貫已
極因此該司并各被害官司人民合詞奏訴及照楊
友先年犯罪法所當誅荷

國厚恩羈管間住日積月累奸計漸生植黨據巢要狹
官職雖云自相讐殺實則自速刑誅據此而言均為

有罪但宣慰司累次告鳴情詞懇切官雖徒設民則
何辜又夫壩等苗夷衆口一詞願復舊治楊友雖在
擯棄楊宏尚可取錄一則救民於水火之中一則定
亂於搶攘之際合無委官親詣從公集議只今重復
開設是否於地方有益人民無害應否改屬等因到
臣看得楊友逃避山林不服拘喚節次結構苗夷侵
疆越界殺官劫財擾亂地方或殺千三百餘人或擄
萬二千餘口或全殺數戶或全擄數家楊友應正謀

叛斬絞凌遲之刑其子揚弘應坐給付功臣之家為
奴之典各官會議明稱揚友貫惡已極却又朦朧議
稱揚友雖在賔棄揚弘尚可收錄定處重復開設衙
門前後情詞自相矛盾臣又查叅揚友逋囚扇禍虎
吞諸夷罪惡貫盈但念治夷宜畧未即行誅戮至復
長亂階重議衙門建置地方禍患責將誰歸扶綱常
申大義議處通呈定奪未報續又據播州宣慰使司
節申揚友邀引外夷越境爭謀地方等回該臣訪得

揚斌取盡錙銖剝連肌髓大失苗心揚友犬羊故性
狼虎元兇大興亂首土官奢爵下寨長任唐等黨邪
害正傷類敗群大乖隣好亦由周識禮度周知綱常
周接正入周聞正論合行開諭揚斌揚友奢爵并任
唐等俱要洗心滌慮守分安常揚斌易濁為廉收苗
夷既失之心揚友易逆為順消家族已危之禍奢爵
任唐守易野為靖結隣境親睦之情況揚友構兵結
怨奪地殺官延禍遘陸身為倡亂之首已違謀叛之

誅誰敢為之保勘奏立衙門官職是非利害甚明宜
回保寧安家樂業永享太平如再違拘揚友并助亂
自當奏調官兵剿滅無遺揚斌奢爵亦當奏章
祖職設立流官以為叛逆助惡及不恤苗夷之戒行
令遵依去後續據永寧宣撫司申揚友結黨讐殺劫
掠已經呈稟上司撫勘未結隨准兵部咨該播州亦
水里土官頭目袁瑚奏揚友聚黨衆惡流劫等情奉
奉

欽依都察院行勤務見明白授狀坐視不行的一併恭了
來說備咨到臣案候奉人未到隨據播州宣慰使司差
長官劉彬齎繳造完被害夷民文冊到臣備審劉彬
供稱成化年間揚輝溺愛揚友被長官張淵頭目何
清徐泰馮瞰左道蠱惑指倚臨邊天霸千山苗讐忿
將重安舊管熟苗凱離等五十二寨并容山舊管崖
門等二十五寨驟住風反叛具奏興師挾撫被徐
泰等扶同扇誘苗人捏稱投認揚友管束為詞誑哄

本官強奪前寨奏設安寧宣撫司并懷遠宣化二長
官司修築城池起蓋衙門役調數多衆苗怨恨成化
十五年聚衆攻燒懷長官司靖南堡殺死守備土官
男婦百十餘人後揚輝病故揚友通同張淵謀害
嫡弟宣慰揚爰奏差三司何侍郎等會同鎮巡親臨
勘處將張淵張深問究撩造妖言謀害人命重罪處
決奈照揚輝不合溺爰廢妾子濫設魚蓋衙門引惹
邊釁及開設衙門之時揚友年方一十三歲本以

駁童冒功受職與揚爰構怨同處一州必致互相殺戮將揚友連家小遷發保寧府羈管閒住革罷宣撫寺司衙門印信奏繳將重安長官司遷入安寧城內居住迄今二十餘年遺釁頓息近年以來被揚友希圖復任賄結隣境貴州所屬鎮遠施秉印水等縣無籍軍生吳卿等假以建言為名朦朧代奏蒙行川貴撫按勘議不必添設備由回咨兵部查奏立案不行正德三年忽被揚友令家人石長子等潛結劉暹借

兵薦進重安城內大聲張勢奪占城池節申上司未
蒙會處以改揚友窺伺本年九月內棄脫保寧逃回
重安大肆逞威僭封天苗都犯事名色分投糾拽隣
境各處山苗萬衆突入黃平草塘二安撫司白泥容
山寺長官司地方張打旂號殺降官民詐稱

勅旨以烏江為界黃平等五司地方撥與管束敢有不順
斬草除根各司安撫長官挈家奔投鑽遠避難止有
同知揚才固守揚友節次差人通勸宣慰父子保復

其官給還印信如有不從定統苗兵過江攻殺一人
不留只得曲保揚友又差家人監同去京具奏正德
四年六月蒙分守川東道按臨撫勅先給告示發屬
曉諭各苗草化歸附原管官司驀被揚友奸計輒請
二司進興隆衛約會貴州該道議處乘機聚眾困逼
二司挾要出與再設衙門降印保官其子文書遂為
得計統領眾苗突攻黃平守禦所城捉虜揚才碎剝
身屍砍頭去訖本年十月起至今正德五年二月

來薦被奢爵管下任唐阿曉等先後聚領玃獠兇蠻
四萬餘衆分投各路攻劫播州所屬各苗打話去年
以來揚友刻木送書與奢主人借軍助殺你播州言
斷許我殺到何處占到何處節申鎮巡三司議處未
蒙發兵救援致被得肆今年三四月以來復聚苗入
境流劫其勢尤甚生靈肝腦塗地寺曰又據重慶府
綦江縣申為苗賊出境事被蘭州寺處苗賊前來梁
村寺處流劫王旻寺五百餘家虜去男婦十餘口殺

死王伸等八名客商不計其數又將安穩里野茶坎
高羨宗等家盡行劫殺聲言要往扶歡三溪寺處各
苗口稱前來借路往保寧府劫取揚友家眷回還等
言除行該府將揚友家人婢妾存留看守家財房屋
妻子密切差官護送按察司收候防守外臣恭看土
官地界多至一月程途安寧去播州僅六餘日何名
別開衙門土官軍功不過厚加金幣揚友征山苗僅
十餘歲何功應保官職而揚輝之溺愛欺罔自明安

寧設立衙門官職夷亂如彼革罷衙門官職夷靖如
此今揚友謀復之奸始萌奪殺之禍大熾而衙門之
建置利害又明易曰天澤履君子以辯上下定民志
昔唐徇行伍置主帥藩鎮邀朝命姑息成風禍亂莫
救今揚友逋播夷民構黨跋扈殺官奪寨大啟亂
階若非明正典刑誠恐效尤難制但四川見征藍五
又征揚友不無勞人伏望

聖明力止亂源

特勅該部查議將友^揚助兵代奏流土群黨行湖廣四川撫
巡各按所屬查提官武職降二級總旂降軍與軍
各調邊衛帶俸着役文職與土民監生各發口外為
民土官奢爵王鳳儀草冠帶揚斌降宣慰使嚴限文
書到日為始三月之內捕拏揚友揚弘石長子王小
童并各苗惡首天保川等同劉遲金洪揚春揚堊揚
淳等各解官查審各該勘官有無賄囑亦就查提依
律問罪情輕先行摘發情重奏

請發落殺虜人口財物燒燬房屋一依土俗陪償撫處停
當奢爵王鳳儀方復冠帶揚斌方復官職違限不獲
及各苗仍復為惡奢爵王鳳儀革職揚斌再降二級
若仍回獲致勞我師將土官通行革去另設流官廢
法令嚴明兵糧不費朋邪知懼而邊方可寧緣係禁
治羣黨議處叛夷查提職官事理具本謹題請

旨

致仕疏

題為懇乞

天恩俯容致仕保全殘喘事臣氣體羸薄多疾早衰又因
父老且病累乞休致荷蒙

俞允私心感幸父子相守畢殘年酬素分

陛下造化曲成之賜也不謂罪積緣淺臣父竟見背口血

猶紅時月斯邁是日服闋是日有征勦川賊之

差義不可辭而精力不可耐謹束歛衣自隨越四日而離
家越月有五日而到夔日兼數程衝泥沾濕顛墜日

當數四既至軍務叢委臣才短愈見勞憊每發兵則
終夜不睡痢疾尋痊瘵嗽繼作時發潮熱停刻無容
休養即今風濕日深聽日重視日曠心日健忘血氣
日虛胃日弱粥食日以少進譬如老馬力盡策之而
弗前腐根之木非雨濡露沐所能液潤之也恐即死
無足副

上意伏賴

神謨渠魁日漸授首餘亦釜中之魚劉梟非死即逃杳無

聲迹似亦未足深憂而安寧揚友之亂諸番之警郡

縣盜賊之竊發尚屢

聖懷然廵撫得人禍患亦弭臣寔老加病力難強支雖

上恩浩蕩若在優容而下屬觀瞻自知非雅況臣一應錢

糧出納俱付廉謹委官自不經手別無違碍伏望

聖明憫臣衰老之甚

特勅吏部查照養病都御史高明征闕事例容臣班師順

回致仕使啓食骸骨得遂故山又

陛下造化曲成之賜也奄奄斷息愧伸一報以無期耿耿
幽魂特先百神而助順無任懇切求憐之至正德五
年十月二十日奏奉

聖旨林俊才行素著多効功勤方切委用宜用心勦捕賊
寇撫安地方所辭不允吏部知道

奪獲流賊印刀疏

題為殺敗流賊奪獲印刀事據領兵川東道左叅政曹
祥僉事李恕川北道知府張敏何珊呈正德五年六

寺月蒙巡撫行委各領漢土官兵截殺大夥流賊藍廷瑞鄔本恕等各兵節勝賊即敗追過陝西大巴山西鄉石泉金州地方會合陝兵截殺獲功節報開奏外本年八月二十三日賊圍陝兵川兵儼回寺救出又發西陽冉舜臣兵遠從賊後衝殺斬獲兩耳小功五十四副各賊計窮渡任河不得將被虜婦女驟馬砍死分作二夥藍廷瑞一夥從小石河黃瓜溪要衝金州鄔本恕一夥從三十六盤要衝二州埡康總兵

統領湖兵萬餘在金州梁山雲陽奉節義官徐敬之
等統民快拳手三千六百在二州堙各守把川陝會
同康總兵許領湖兵黃瓜溪夾攻不曾前來曹祥李
恕領冉舜臣并石砭馬徽等兵為前哨張敏何珊領
羅回大渡河標手達新等兵為後哨分路追殺本月
二十七日藍廷瑞訪知金州有兵陝西三十六盤無
兵又合鄔本恕從鷄鳴坡黃瓜溪將虜去男婦二百
餘人放散砍木搭橋越過本盤回見陡峻沿途并崖

下跌死人馬數百本月二十八日到馬柳壩藍廷瑞
見二州壩有兵難衝議要聽撫最惡老人王三兒怪
說你起的事我殺了母親祭旂跟你如何退悔先殺
了你藍廷瑞懼怕王三兒領賊當前衝關被徐敬之
等敵關撇放搗石打死王三兒并各賊不計其數生
擒四名本年九月初一日賊願丟驛馬金銀買路徐
敬之不從又與敵陣斬獲長脚王老人等五十餘級
奪獲腦包五十箇并絮被衣服等件追至小關子賊

走過河淹死三百餘人。生擒鄔本怒男鄔統發解賊。八十餘騎跟奪。只得砍死。本月初二日賊分夥前來。自知至首連闖七陣俱敗。藍廷瑞因見官兵追近。向賊聲說。如今再無別路。衝不過便死在此。詐來打話。你不放我過。關拜你四拜退去。陝西莫追。趕各兵輕信怠緩。彼力猛衝。將徐敬之胥旺殺死。餘兵鑽林被賊尋殺。五六十人奪燒米四十餘石。醫官張錦自刎身死。陝兵就麻柳壩駐劄。川兵追過土壩。雞公雅。

本月初八日冉舜臣兵斬獲耳功七十二副生擒四名馬徽冉鵬兵斬獲耳功一十一副生擒六名本月初九日追至鷄公嶺冉舜臣兵敵斬掠陣徐老人等耳功三十六副生擒二名馬徽冉輔兵斬獲六副生擒三名汪抹丁祥揚鎮何仁各一副張漢向銀生擒二口本月十一日賊奔湖陝城口山界川兵追襲本月十四日至巴河口賊二起九人探風被冉舜臣兵斬獲耳功八副鄉夫龐襲宗殺一人不割功軍人

謝受寺擒獲二口本月二十二日追至繡雞嶺吏何
定同達縣勇手奮勇過河賊多兵少齊赶到河何定
赤身水中熟弓對躬賊方退隔江架梁遇冉舜臣馬
徽魯忠田金并

旂牌官王來譚宣督兵俱到何定率同過河衝破賊陣
追敵二十餘里落水淹死不計其數斬獲耳功二百
三十九副生擒二十四名至風扇壩藍廷瑞設酒請
鄔本恕議降鄔本恕又怪要殺嗔說再看如何大寧

分開一兩人逃走亦易賊老營極高架梁冉舜臣兵
呐喊徑衝上梁各賊大敗走上高觀山官在陝口各
割營本月二十四日早賊分前後左三支衝營馬
聰先期發兵架梁自陽石砭儼回寺漢土兵亦分三
支迎擊賊又大敗乘勝追至高觀寺敵鬪何定領兵
要衝老營尋無路遁本月二十五日馬徽兵忿勇衝
營賊來追趕張敏何珊儼回將賊射退譚宣寺兵又
會藍廷瑞鄔本恕見得馬徽兵近疑是賊勝回還歡

喜聞信被馬徽等兵趕殺官兵從後放銃吶喊西風
甚急聲震如崩賊又大敗登山架梁冉舜臣兵追趕
賊搥石打傷二兵各兵奮勇直衝上梁賊丟下男女
五六百人驃馬八十餘匹阻塞路道領兵官督令各
土兵將驃馬砍死直趕過山斬獲耳功二百三十三
副衝鋒老人蕭伯瓊奪獲藍廷瑞偽號順天王管軍
萬戶府偽印一顆何定奪獲閔公大刀一把未刻字
偽稱玉印即水晶印一顆周畿奪獲景泰元年天威

一千一百二十四號

頌降不知何衙門碗口大銅銃一口重一十一斤藍廷
瑞隨身金銀三馱被兵溺搶一馱藍廷瑞荒張賊衆
六人扶伊逃走餘賊追趕下崖跌死男婦驃馬不計
其數三溝俱滿土兵鄉夫四人下崖砍殺未盡強賊
內有少婦二口壓在馬下叫說藍鄔老人妻小俱在
溝底帶有金銀一十八斤你來救我各兵拖扯不動
見有強賊身騎白馬前來天色亦晚只得俱退收拾

未盡驃馬尚六千為回追賊地遠糧夫難到日久缺
食將馬亂殺割肉充饑尚約驃馬二千餘匹土兵分
收男女畜有籍貫給票照回訖各兵回營當夜賊將
跌溝人馬通燒未盡藍廷瑞鄔本恕就彼痛哭與妻
燒紙回見事迫山險男女累重驃馬難行不忍丟與
官兵自行砍死十五人十六歲男子味溪一處四十
餘人密柴河魚洞子二處各三十餘人沿途婦女驃
馬數百土兵尚收遺驃馬四十餘匹藍廷瑞將銀

二馱通行散與手下心腹四十餘賊令各走散至小
坎山百丈懸崖前無路道轉彎倒樹一根傍生茅草
賊疑木橋向上奔走跌落身死六七百人餘賊男婦
尚約二三千人鑽林奔走搜山斬獲耳功一百零九
副生擒男婦二十九名口前後奪獲賊旂二十七面
賊印銅木共五顆賊批一十五張賊外簿二扇鉄錠
二把賊神八座腦包賊衣護心鎗刀箭袋共二百七
十一件其餘鎗牌鞍轡數千路險難搬丟棄山澗各

賊奔走松家山馬邊河分為三夥一夥走湖廣房竹
脚跡稍多林密山險無路進兵一夥走陝西平利脚
跡頗少一夥走大寧脚跡亦多發兵把截回路行文
湖陝就彼發兵截殺大寧遠兵三千追趕餘兵轉蹶
其前夾攻守曰又據鄉夫范金積捉獲賊老人秦
景榮總甲吳全捉獲賊總甲徐么子并虜去為妻古
么女賊從王子賢王伯祥并總旂打手地方揚鎮張
鸞王海隆周伸方王大宗王金典史涂仁捉獲賊男

婦劉聰王章廖大益小端公張奉山謝萬明鄔本聰
等及李明通認獲投營王相等共二十一名口斬獲
耳功四副除跌崖落水等項身死及各土兵收留隱
匿未報不論外通計耳功八百二十七副生擒九十
八名口各到臣審據秦景榮等執稱藍廷瑞管軍萬
戶府印係眉州古樹中檢得不係自造大刀名閔王
刀不知何處得來對賊聲言天賜我印刀佐天大王
草寇三年因此各賊歸附鄔本聰在小坎山跌死俱

難憑信二州堙差人數至河下死屍三百四十四軀
地方執稱賊殺兵快約有百人餘俱賊屍其驛馬照
依兵法克賞土兵子女待兵回官與贖取并解到人
賊給發問決釋放外切照大巴山星子山三十六盤
修立山高眉山黃墩望信松家山寺處危峻無比秋
多積雪皆緣藤接索釣崖下上又有陡壁千丈下臨
不測之淵荒路一線時復中斷獨木引過賊行多墜
逆料我兵決不能追不想曹祥李恕張敏何珊魚貫

猿攀率兵借進步數里之深叢渡踰胸之深水至絕
絕險慰安前行露宿風餐少壯成老回此賊敗但最
後追奔房竹平利二夥回險中輒分屬湖峽之兵亦
偪一欠臣再督擒勦務期盡絕外叅看各賊慘酷兇
狂夫醜其惡屢致消滅雖惡首未即就擒然驟馬車
盡長技已去群心亦解勢難復盛仰賴

皇上勇智

天錫添設總制督師及將士用命之致臣提兵三月尚漏

元兇老師費糧深負罪愆除秦景榮監候藍廷瑞鄔
本恕等各獲問報前後有功漢土官兵通行紀功覆
寔具

奏定奪伏望

特勅該部查議將領兵曹祥李恕張敏何珊先量具

奏旌擢以勵勞臣緣係殺敗流賊奪獲印刀及旌擢勞

臣事理謹題請

奇

災異處置地方疏

題為災異事據保寧府通江縣申正德五年六月初十日辰時分本縣對面隔河壁山無故山崩石墜聲如震雷本年九月二十四日申酉時分縣西新築城垣城門內外無故地裂土縫縱橫文如劈斧思當流賊擾攘之際值二異常之變民心驚惶誠恐有闕時運人事到臣案照先據成都府威州申本年七月十五日巳前分本州地震如雷自西而起向東而去茂州

申本日同時地震有聲自東而起向西而去潼川州
樂至縣申本年九月十九日寅時分地震街市房屋
俱動夔州府申本年六月二十日午時大灶民謝得
安家火起延燒居民房屋一千餘家重慶府鄧都縣
申本年七月二十六日夜一更時分天墜火星蘇么
老屋上隨即火起惡風大發將本家并街坊三百二
十餘家并本縣儒學公廨泮宮坊牌鄧陵驛城樓城門
鼓樓板房等項俱各延燒重慶府申本年十一月

二十一日天色陰晦當夜戌時迅雷大震閃震交作
人民驚駭等因前來及查本年三月初二日午時分
夔州府并雲陽縣同日地震本年四月二十六日巳
時分通江縣鸚哥鋪營頭星墜大如斗尾長丈餘碎
星附其尾等因已經具

題外今該前因臣叅看天宜順而熒惑營頭為崇雷電
作于冬月至不順也地宜靜而山崩地裂地震至不
靜也是皆政急兵起土崩之兆夫天道人事常相孚

四川古稱多盜亂必居先平必居後在漢有公孫述
在宋有孟昶在

國朝有明昇皆最後服其他王小波板楯張弘白馬胡
瀘州夷與近時劉千斤趙鐸野王剛石和尚羅端公
楊亨小楊規党廷方藍四之徒不可枚舉然皆無如
今日之甚訪問故老委因賊臣劉瑾故亂天下以資
逆謀革巡撫兵備撫民巡捕統理專理俱無其官守
巡歷難週強盜乘時生發此盜之所由起也荒旱

連歲不容奏災盜賊四起不容奏

聞此盜之所由盛也慘毒兇狠挈官罰米緝事取禽鳥等物騙索無厭賊瑾取之官官取之民手下差遣又因為利剥民至骨盡離其心此盜之所由縱也興師動衆居送行齎不勝楚毒貧民重困視官如仇至越名分輕公法劫縣殺官擒戮方面而無畏夫賊瑾所致夔保強賊五七餘萬三省夾攻榜已大挫僅二三千人軍兵後從急追尚能收拾散盜殺敵殺一方面一典

史攻劫三縣治今雖添兵會勦豈能遽絕賊瑾所黨
楊友激出南川之盜數不至千亦能殺一方面一府
官二巡檢掠執一方面攻殺二縣治今難集兵擒勦
豈能遽盡而播州之患又重且大近在旦夕四川倉
庫贖竭見今兵餉日苦不給而松潘各邊月告無糧
調運不休他變必作臣恐首亂者致亂而救亂者亦
生亂况臣出入賊區巡撫政務無暇經理自念分甘
一壑迹久付于雲泉

詔起兩川命重懸于鋒刃然鞠躬盡瘁繼之以死臣所能也至于成敗利鈍非臣所能逆覩伏望

聖明垂念地方亂之甚易而救之甚難將賊瑾贓銀量發數萬差官前來賑濟以收川民既離之心

勅戶部從官區處各布政司兩省隸那借官銀共二十萬兩以寔川邊及軍儲等用稍輕舊則限定生負入監知印承差吏典發充各名數行令自願納銀以足補為限四川生負入監亦定名數并知印承差吏典義

官各納銀以高厚城垣脩蓋被賊燒燬公廨舖舍等
項及增寔各倉預備之穀以足用為限擇委有司督
理守巡督查俱出雇買不科役民一財一力其清軍
監察御史政務頗暇專令督察毋容貪濁乘机迫納
及科索起送公堂紙劄并剋落重汎虛費等弊

勅兵部會府部大臣議處楊友衙門官職應否與復明白
奏

請毋仍展轉行勘致誤地方若不應復乞降榜文曉諭川

貴湖廣附近播州流土衙門不許暗助楊友為亂其
楊友果能革心悔罪宥以一家死罪回居保寧安享
太平應得田產此賣彼置兩斷往來永杜後禍如再
叛逆決行征勦黨惡助亂法在不赦以絕楊友妄覲
之念楊斌謀陞按察司官賊亦行革去手下助惡科
斂家人管事并楊友助惡殺害家人苗頭撫到官如
法究治以釋苗民剝削戕戮之忿

勅吏部專任才名風力司府等官及會推公謹忠亮精力

大臣

簡命一負前表巡撫臣專討藍賊天幸成功得貨萬死容
歸骸骨庶官使得人民因可蘇盜賊可息邊患可消
而天變可回緣係災異及處置地方等項事理謹題
請

旨

江津捷音疏

題為捷音事節據領兵副使何珊呈正德五年十月

蒙巡撫委同守備大壩以都指揮体統行事指揮李
蔭帶同舍人韓恩等領兵征勦攻打縣治執戮方面
流賊曹甫等除節獲首級四十三顆副生擒一十一
名口殺死一百七十八名馬四十七匹開報具

題外本年十二月賊移苗驍驛教言要攻瀘州曹甫曹

濬堯公兒稱總兵設郊簿揀選殺手四百六十九名
編立旗甲餘外投營被虜男婦約二千人架梁發哨
擅打報帖僭稱順秦王明正元年統兵來瀘州仰掌

印官多備糧草伺候及逼州城殺言官備銀三千兩
城內卿官大戶湊銀二擔買免攻城該續委分巡副
使蔡鍊同何珊李蔭嚴加守把巡撫節行撫諭本月
初九日曹甫等對州沙灣詐願听撫蔡鍊等令韓恩
同伊弟韓懋乘船江中撫講韓懋尋復登岸面會曹
甫陽順陰違蔡鍊等又拘曹甫戶長曹永金等招撫
曹甫將綠段旗一面上書青帝旗帶見蔡鍊說稱本
月十二日二百餘人赴州听撫要備酒席當早曹甫

又不願撫同已殺弟曹瑄領賊流劫小市廂李蔭同
韓恩領僮回等兵遇江敵鬪斬獲曹瑄等首級一十
八顆生擒四名奪獲馬二十六匹腦包弓鎗賊衣共
一十八件本月二十三日李蔭追至史壩驛敵鬪一
十二陣斬獲首級并兩耳小功共四顆副生擒四名
殺死未砍首級八名射傷十名射傷馬一十餘匹奪
獲腦包弓鎗賊衣一十一件本月二十五日各賊仍
移江津馬鞍山卓家壩胡玉璽等家分劄七營嚴言

要攻重慶巡撫議令蔡鍊同叅議錢朝鳳固守瀘叙
催兵督餉何珊李蔭追賊江津正德六年正月初一
日巡撫親督酉陽播州土兵前來江津通發李蔭添
領本月初二日寅時攻破党公兇等四營斬獲首級
一百九十一顆兩耳小功一副生擒賊婦二口奪獲
腦包一十二箇騾馬三十一頭匹另外砍死騾馬三
十頭匹餘賊敗入人家土兵圍守放火燒死三十餘
人李蔭同從征重慶衛指揮汪洋張勇將功驗訖百

陽土兵乘勝再搗老營曹甫等設伏死戰士兵稍却
殺死汪洋并兵夫四十餘人執去瀘州衛百戶胡經
播州長安王塤江津義官江都賊知大挫併入胡玉
璽家大營令方四張孫見汪鵬同趙金統對面方山
劄二小營逼令王塤依馮願撫呈文與胡經等送回
巡撫又差生員傅禮入營撫諭曹甫執要銀二千兩
贖取王塤及與重慶住食不肯分散巡撫令李蔭統
領土兵四千六百餘名并鄉夫等兵進合山坪與賊

相隔一十五里劄營軍令先射馬次射人又恐瀕殺
老幼令傅礼進營挾撫曹甫等愈加生勸大言我俱
是老殺手隨他土兵認是不怕傅礼回報本月十二
日五更時分曹甫探知精兵在營江津守兵輾脆議
發一支拒敵兵營另發一支勇漢二百騎徑衝江津
三十騎先鋒出哨不意巡撫督催李蔭兵三支先進
至佛子崖與賊相遇標手將穿紅突陣賊首白馬標
倒斃回尋奮勇敵斬一十五級餘賊追逐不及回報

我兵圍住老營賊方知覺倉卒閉門備馬出戰被王
項誑說兵多不好出巡撫是要招撫我與你退兵乘
机走出指點土兵一齊放火及上房敲闖巡撫又委
書吏軍牢并楊璋韓恩等催兵各殊死戰斬獲各首
曹甫曹濬曹弼曹珣曹玉何裁縫張端公張外郎曹

永興周黑子李寨長王長生曹珠汪鵬但廷秀等首
級并兩耳小功共五百一顆副殺死未割首級不准
功二百九十名生擒賊從并曹甫妾陳氏曹濬妾楊

氏曹珠妻張氏曹玉妻党氏曹瑄妻任氏張外郎妻
王氏但廷秀妻張氏周四妻徐氏等三十五名收
被擄老幼男婦七百二十名口燒死九百餘名口奪
獲驃馬八百餘頭匹斬獲驃馬四十二尾腦包八十
箇賊邠簿三扇我兵全勝功級生擒巡撫軍前驗發
何珊責令賊婦供認賊首各級俱在止有曹甫汪鵬
但廷秀親見殺死認無首級恐供不寔未決存止惟
方四等方山二小營走脫簿查正賊方四下僅六十

六名汪鵬下僅九名張孫兒趙金純下各僅十名又多在陣殺死及御夫陸續擒斬共七十九名類在逃正賊似不及三五十人并被擄老幼男婦不及百餘發兵發牌四處搜捉想難漏脫李蔭楊璋親驗胡玉璽家住房九十餘間燒死賊屍枕藉數重三日未盡楊氏雖係虜未為妾催兵上陣殺人尤狼等因到臣除楊氏及真賊照奉

欽依軍前斬首首級分發梟掛賊屬問發被虜給主驃馬

元賞腦包鎗刀馬尾貯庫未獲方四等仍發土兵追
勦及嚴督各隘俟拏有功官兵另行造冊具

奏外臣會同川鎮守太監章興巡按監察御史俞 緇

議照賊首曹甫曹濬等逋誅宿寇大肆猖狂虎鬪邁
于渠魁梟雄挾其絕技蹂躪我數縣睥睨我大州甚
至執戮風憲僭書名號而無忌克猶效尤遠近俱震
師貞而吉狡三窟以徒營天禍其盈收一網而俱盡

斯固

朝廷之福川蜀之幸成此大創者也然臣仰窺

聖意以愛人為德而臣願以殺人為功不勝罪愧首末領
兵李蔭尤為屢危不憚及前征東鄉有功今仍擇委
征藍合無將本官量陞都指揮僉事職銜以便行事
緣係捷音及陞任官員事理謹題請

旨

見素文集卷之三